



BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON GOVERNMENT
CORUPTION PREVENTION TEAM

Broj: 02/27-04-007219/21
Datum: 02.04.2021.godine

PREDMET: Poziv na učešće u procesu javnih konsultacija - Nacrt Strategije za borbu protiv korupcije Tuzlanskog kantona 2021 – 2024. godina, dostavlja se:-

Poštovani,

Korupcija je ozbiljan problem u savremenom svijetu koja je, u različitim oblicima i razmjerama prisutna svugdje, pa i u ekonomski snažnim, demokratskim i organiziranim državama. Kao što su faktori koji utiču na stanje i razmjere korupcije raznovrsni, poput historijskih, društvenih, kulturoloških i političkih, tako su i posljedice korupcije u životu običnoga građanina i cjelokupnoga društva mnogobrojne i teške.

Korupcija predstavlja posebnu opasnost za države u tranziciji, u kojima demokratski, institucionalni i vrijednosni sistemi još nisu dovoljno izgrađeni. U takvim državama, neadekvatni pravni i politički mehanizmi ne pružaju dovoljno garancija za efikasnu kontrolu raspolaganja javnim ovlaštenjima, te njihova zloupotreba, zapravo, predstavlja korupciju. Bosna i Hercegovina, kao tranzicijska zemlja, u posljednje vrijeme preduzima određene sistematske aktivnosti na suprotstavljanju takvim zloupotrebama. Tuzlanski kanton, kao administrativno područje unutar Federacije Bosne i Hercegovine, te demografski najbrojniji kanton, svakako je izložen korupcijskim rizicima kao i drugi dijelovi Bosne i Hercegovine.

Tim za prevenciju korupcije Vlade Tuzlanskog kantona je Rješenjem Vlade Tuzlanskog kantona o imenovanju Tima za prevenciju korupcije broj: 02/1-04-2178/20 od 28.01.2020. godine zadužen za izradu Strategije za prevenciju korupcije Tuzlanskog kantona 2020 – 2024. i Akcionog plana za provođenje Strategije za prevenciju korupcije Tuzlanskog kantona 2020 – 2024.

S tim u vezi, Tim za prevenciju korupcije Vlade Tuzlanskog kantona, obavljajući aktivnosti iz svoje nadležnosti, uz podršku Misije OSCE-a u BiH sačinio je Nacrt Strategije za borbu protiv korupcije 2021-2024. godina, kao i prateći Akcioni plan za njeno provođenje.

Nacrt Strategije je zasnovan na izvještajima o provođenju Programa za za borbu protiv korupcije na području TK 2016 - 2019, različitim anketa koje su provedene unutar samih institucija u Tuzlanskom kantonu, ali i naučenih lekcija u provođenju prethodnih prvih antikorupcijskih politika u Kantonu. Svakako da je, u skladu sa Zakonom o Agenciji za sprečavanje korupcije i koordinaciju borbe protiv korupcije Bosne i Hercegovine, Nacrt Strategije za borbu protiv korupcije Tuzlanskog kantona za period 2021-2024. godina, usklađen sa općim principima i standardima Nacrta Strategije za borbu protiv korupcije Bosne i Hercegovine za period 2020-2024. godina.

Imajući u vidu situaciju sa sveopćom prisutnom korupcijom u Bosni i Hercegovini, a samim tim i na administrativnom području Tuzlanskog kantona, kao i preuzete obaveze, izrađen je Nacrt Strategije i prateći Akcioni plan sa jasnim opredjeljenjem u strateškim ciljevima za borbu protiv korupcije u najširem smislu. Kako borba protiv korupcije nije odvojena od ostalih strateških procesa, tako je ova antikorupcijska politika povezana sa drugim politikama, poput Strategije razvoja Tuzlanskog kantona i mnogih drugih. Time se nastoji učvrstiti konsenzus o potrebi koordiniranog, sveobuhvatnog i sistematskog djelovanja protiv korupcije, čime će biti osnažene pretpostavke za poboljšanje kvaliteta života građana Tuzlanskog kantona.

U koncipiranju Strategije primijenjen je tzv. integrirani pristup, tretiranjem svih važnih oblasti borbe protiv korupcije - prevencije, represije i koordinacije. To podrazumijeva utemeljenost antikorupcijskih aktivnosti na činjenicama, te takav pristup odlikuju transparentnost, nepristrasnost, stručnost, inkluzivnost, sveobuhvatnost, mjerljivost i orijentiranost na učinak, što su principi u borbi protiv korupcije koje zagovaraju Ujedinjene nacije. Strategija se posebno fokusirala na stvarne nadležnosti Tuzlanskog kantona kako bi napredak u životu građana bio vidljiv i konkretiziran.

Borba protiv korupcije uključuje angažman velikog broja aktera različitog karaktera, svih institucija, ustanova, upravnih organizacija, privatnog sektora, nevladinih i vladinih organizacija, međunarodnih organizacija do svakog pojedinca institucije, što podrazumijeva inkluzivan i sveobuhvatan pristup. S obzirom na to da se na polju borbe protiv korupcije stalno unaprjeđuju međunarodni standardi, da način borbe protiv korupcije zavisi i od promjena u širem normativnom, socijalnom i ekonomskom okviru zemlje te da strateški antikorupcijski dokumenti predviđaju stalnu nadogradnju, neophodno je dobre prakse iskoristiti prilikom izrade novih strateških dokumenata.

S tim u vezi, pozivamo Vas da Vaše prijedloge za izmjene i dopune Nacrta Strategije za borbu protiv korupcije Tuzlanskog kantona 2021-2024. godina i pratećeg Akcionog plana za njeno provođenje, dostavite najkasnije do 15.04.2021. godine na e-mail adresu: sprecavanje_korupcije_tk@mup.tk.ba.

Za sva dodatna pitanja nas možete kontaktirati na tel: 035-251-009 lokal 243 ili 061-788-196.

U prilogu dopisa dostavljamo Vam Nacrt Strategije za borbu protiv korupcije Tuzlanskog kantona 2021-2024. godina, kao i prateći Akcioni plan za njeno provođenje.

DOSTAVITI:

- 1x svim ministarstvima, upravama i uredima,
- 1x svim organizacijama, institucijama i ustanovama,
- 1x Agenciji za prevenciju i koordinaciju borbe protiv korupcije,
- 1x Timovima i tijelima za borbu protiv korupcije na nivou BiH,
- 1x Misiji OSCE-a u BiH
- 1x Delegaciji EU u BiH,
- 1x IPAK, Institucionalna podrška antikorupciji,
- 1x Britanska ambasada u Sarajevu,
- 1x Ambasada SAD u BiH,
- 1x Komisija za borbu protiv korupcije Skupštine TK,
- 1x Zakonodavno-pravna komisija Skupštine Tuzlanskog kantona,
- 1x Privredna komora TK,
- 1x Udruženje poslodavaca TK,
- 1x Obrtnička komora TK,
- 1x Transparency International u Bosni i Hercegovini (TI BiH),
- 1x CCI-Centar civilnih inicijativa Tuzla,
- 1x Udruženje "Centar za razvoj medija i analize",
- 1x CIN-Centar za istraživačko novinarstvo,
- 1x NO Helsinški odbor za ljudska prava Bijeljina,
- 1x Forum građana Tuzla,
- 1x Udruženje građana Multi,
- 1x Udruženje potrošača TK,
- 1x Fondacija Tuzlanske zajednice,
- 1x Udruženje građana Vive Zene,
- 1x Udruženje Amica Educa,
- 1x Udruženje Zemlja djece Tuzla,
- 1x a/a



PREDSJEDNIK TIMA

Miralem Halilović